

09. oktober

UKA2018/22

Uunga siunnersuut: Erngup nukingata nukissiornermut atorpeqartarnera pillugu Inatsisartut inatsisaat nr. xx, xx. xxx 2018-imeersoq.
(Inuussutissarsiutinut Nukissiuuteqarnermullu Naalakkersuisoq)

Matumuuna nukissiuuteqarnermut erngup nukinganik nukissiornermut isumalluutit atornermut pillugit Inatsisartut inatsisissaannut nutaamut siunnersuut Naalakkersuisut saqqummiussaata Siumumiit oqaaseqarfigissavarput.

Naalakkersuisut saqqummiussaata Siumumiit ilassilluarparput, matumanimi pineqarmat nunatsinni erngup nukissiorfiliorfiusinnaasorpasut suli sanaartorfigineqanngitsut atorluarnissaannut aqutissiuussinissaq. Aammalu Inuussutissarsiutitigut siuarsaanissanut atatillugu Namminersortut aningaasalersuisuusarsinnaanmerat ilanngullugu pineqarluni.

Siumumiit ilisimaaraarput Nunatta sineriassua kitaani tunumilu erngup nukissiorfiinik sanaartorfissanik annertuunik arlalissuarnik peqarmat. Aammalu Nunaqarfippasut erngup nukissiorfeeqqanik pilersorneqarsinnaagaluartut suli annertunerusumik qanoq iliuuseqarfiginngilavut. Taamaattumik maannakkut eqaallisaaneq iluatsillugu Nunaqarfimmiut erngup nukissiorfeeqqanik namminneerlutik pisaarniarunik periarfissineqarnissaat ilanngullugu Naalakkersuisunut misissoqqussavarput, taamatut aamma anorisaatit eqqarsaatigalugit.

Siumumiit neriuutigaarput ukioq 2030 tikitsinnagu Nunatsinni illoqarfiit nunaqarfiillu tamagajavimmik erngup, anorip seqernullu nukiginik pilersorneqarsinnaalersimasasut.

Taamannak naatsumik oqaaseqarluta inatsisissatut siunnersuut tigulluarlugu Inuussutissiornermut ataatsimiitilaliami suliareqqissaarnissaa innersuussutigaarput.

Oqallilluarisilu

Jens Danielsen, Siumut